

KOMMUNIKAMMA 13 AUGUSTUS 2023



Kontakpersone, indien jy meer inligting nodig het oor een van die sake wat hier verskyn:

Jou blokouderling of -diaken

Nekie Oosthuizen: 082 561 8747; 041 360 1484; kerkkantoor@ngkraggakamma.co.za

Ds MG van Rooyen: 083 413 7100; mg@ngkraggakamma.co.za

Ds Toit Wessels: 084 240 2916; toit@ngkraggakamma.co.za

Die leraars besoek jou graag op versoek. Neem asb vrymoedigheid om met ons te skakel.

WHATSAPP GEMEENTE KOMMUNIKASIE

Indien jy die gemeente kommunikasie via Whatsapp wil ontvang moet jy die volgende stappe volg:

Stoor die gemeente selfoon nommer (071 493 5998) as 'n kontak op jou foon.

Stuur 'n whatsapp boodskap met jou naam en van na hierdie nommer.

Jy word op 'n "Broadcast" lys geplaas en is nie deel van 'n whatsapp groep, waarop almal kommentaar lewer, nie.

PROGRAM VIR DIE WEEK:

Sondag 13 Augustus

Week 2 van die 7 Weke Reeks (GAAN GROOT!)

9:00 NAGMAAL

18:00 LEEF@KERK

Vandag is 'n dag van verootmoediging oor die toestand van ons land.

Skriflesing: Ps 103; 1 Joh 4:7-11; 18+19

Tema: Groot Liefde

Skakel gerus om 09:00 op ons Youtube kanaal in as jy die regstreekse uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk. Neem asb kennis dat die video nie direk na die erediens beskikbaar sal wees nie.

Die dankoffer in die houtkassies gaan vandag vir Feba Radio

Maandag 14 Augustus

KERKKANTOOR

Die kerkkantoor is elke Maandag en Woensdag van 08:00 tot 12:00 oop. **Neem asb kennis dat die kerkkantoor weksdae van 08:00-13:00 via die kerkkantoor telefoonnommer (041-360 1484) beskikbaar is.**

12:45 GEBEDSKILD

Gemeente gebedgeleentheid in gebedslokaal. Almal is welkom.

Woensdag 16 Augustus

PE NOORD EN ALGOA GEMEENSKAPSKERK – VOEDSELHULP-PROJEK

Ons het opgemerk dat die behoefte aan kospakkies by die PE Noord gemeenskap al hoe groter raak, veral met die aanhoudende koue winterweer. Dit blyk dat die koue die nood onder die gemeenskap verhoog het.

In die besonder is daar 'n dringende situasie waarin een van die dogters van die gemeente swanger is en verwag om in September geboorte te gee. Hulle is opsoek na basiese benodighede vir die mamma en die baba. Enige bydraes wat julle kan maak, sal 'n groot verskil maak in die lewens van hierdie gesin. Ons versoek dat julle Maandag en Woensdag by die kerkkantoor kan inloer om julle skenkings in te handig. Enigiets, van nie bederfbare kositems tot klere, babaformule, babakos, doeke en selfs baba-toebehore, sal waardeer word.

Vrydag 18 Augustus

05:00 MANNEGROEP by Carnationlaan 15

Indien jy wil deel word van die groep, kontak Frans Stapelberg vir meer besonderhede by selnommer 082 773 6205

Sondag 20 Augustus

08:30 EIETJDSE DIENS

09:45 KATEGESE

10:00 KLASSIEKE DIENS

18:00 LEEF@KERK

GEBEDSAKE:

Loof die Here vir milde reën en vir damvlakke wat aanhoudend styg.

Lynn Lombard vir genesing. Sy sukkel al baie maande met haar gesondheid.

Tina van der Merwe se herstel na 'n suksesvolle operasie.

Tree in vir die sewe weke reeks in ons gemeente.

Dank die Here vir die volgehoue ondersteuning van Kraggakamma gemeentelede aan PE Noord gemeente. Ons maak beslis 'n verskil om die armoede en hartseer daar te verlig.

Die beëindiging van die oorlog in Oëkraïne asook vir kinders van die Here wat onverpoos uitreik na hul mede landsburgers met voorsiening van kospakkies, klere en ander noodsaaklikhede. Bid veral ook vir die uitdra van die Woord van God. Mag duisende ongereddes tot 'n persoonlike ontmoeting met die Here kom onder hierdie onuithoudbare omstandighede.

Ons bid vir almal wat geraak is deur die YWAM-span se ongeluk in Brazilië. Mag die Here deur Sy gees elke familielid van Samuel, David and Camila, wat in die ongeluk oorlede is, omvou en troos skenk in hierdie hartseer tyd. Ons bid ook vir Ingrid en Kerolen dat hulle volkome se herstel van hulle beserings en van hulle hartseer oor die verlies van hulle sendeling vriende.

THERE4-BEDIENINGE GEBEDSVERSOEK

Bid saam met gelowiges in **Niger** vanuit 'n Moslem-agtergrond dat God hulle sal versterk terwyl hulle druk ervaar om hulle geloof te versaak.

EEN VISIE. EEN STAD. GENEES ONS NASIE.

Gebed inisiatief van 18-20 Augustus in Nelson Mandela Baai.

Bid vir genesing en versoening

Bid dat harte versag en wonde genees word. Vra God om versoening tussen mense van verskillende rasse, politieke partye, gelowe en agtergronde te werk. Bid vir vergifnis, empatie en begrip.

Bid vir leierskap

Bid vir wysheid, nederigheid, integriteit en deernis in ons leiers. Vra God om vir hulle 'n visie vir eenheid en moed te gee om moeilike besluite, wat die algemene welsyn bevorder, te maak. Bid dat hulle regverdig sal regeer en sal werk vir die mense.

Bid vir media en beïnvloeders

Bid dat die media, joernaliste, openbare figure en leiers die media as platform vir boodskappe van hoop, empatie, waarheid en eenheid sal gebruik eerder as om leuens, vrees of verdeeldheid te versprei.

Bid vir gemeenskappe

Bid vir eenheid, vertrouwe en samewerking binne ons plaaslike gemeenskappe. Vra God om verhoudings tussen bure, gemeenskapsgroepe, skole, kerke, besighede en burgerlike organisasies te versterk. Bid dit mense van uiteenlopende agtergronde sal opstaan vir gedeelde belange en vir die voordeel van die metro.

Bid vir jouself

Bid dat God vir jou 'n gees van eenheid, nederigheid en versoening sal gee. Vra Hom om enige vooroordeel, bitterheid of verdeeldheid uit jou lewe te verwyder. Bid vir wysheid en moed om brûe te bou met mense wat anders as jy is en om genesing in verhoudings te bevorder. Ons volk se eenheid en stad se herstel begin by elkeen van ons.

SEWE WEKE REEKS

Ons doen hierdie kwartaal weer 'n sewe weke reeks. Ons nooi almal uit om vir hierdie tyd 'n eie kleingroep te begin of om by 'n bestaande groep van hulle keuse in te skakel. (Besonderhede van selgroepe is agter in kerkalmanak.) Die groepe bespreek onder andere die tema in die week wat volg op die preek. Indien jy wil inskakel, kontak asb met Elizma Harmse by sel: 083 940 5617.

Hierdie jaar se tema is: Gaan Groot!

Sondag 20 Aug

Groot geskep - Ps 8

Sondag 27 Aug - Een erediens om 10:00. Ivor Swartz lei die diens.

Groot genade - 2 Kor 12:9

Sondag 3 Sept

Groot vertrou - Matt 14:22-33; Ps 37:3-5; Luk 12:22-31

Sondag 10 Sept

Groot vreugde - Fil 4:4-9; Joh 10:7-11; Hab 3:17-19

Sondag 17 Sept

Groot vrede - Joh 14:27; Luk 10:38-42; Ps 85

Sondag 24 Sept (Erfenisdag)

Gemeente ete/Erfenisbraai na erediens.

DRAF-STAP-TRAP VIR BYBELS

Raak aktief en help met die druk en verspreiding van Bybels. Hierdie virtuele geleentheid vind 1 – 28 Augustus plaas. Jy kan enige tyd, enige plek en enige afstand draf, stap of trap vir Bybels. Registrasie by www.peaktiming.co.za teen R 100.00 per persoon.

HUIS LOUISA MEYBURG

Ons is dringend opsoek na die volgende items vir inwoners van Huis Louisa Meyburg:

Seep

Weggooi skeermessies

Latex handskoene

Indien jy kan help kan die items by die kerkkantoor afgelaai word of kontak Marlene Postma (082 787 4030) vir meer besonderhede.

Hulle hou op Saterdag 2 September hulle jaarlikse basaar. Ons benodig hulp en bestanddele vir die pannekoek en poeding tafel, asook roomysbakke vir die poedingtafel. Indien jy wil help, kontak vir Dossie Nortjé (082 957 6084) of Annemarie Roets (072 611 1483)

KRAGGAKAMMA GEMEENTE FAMILIE KAMP (29 Sept- 1 Okt)

Na die groot sukses van 2022 se kamp, doen ons dit weer. Sluit by ons aan vir 'n naweek waar ons moeite doen met AL die belangrike verhoudings in ons lewe!

- Plek: Van Stadens Resort
- Koste: Verblyf en etes gedurende die naweek is vir eie rekening. Ons het as gemeente alreeds klomp staanplekke langs mekaar bespreek en die deposito betaal. So laat weet ons net indien jy wil saamkom. Die spesiale (#kraggakamma Familie kamp) tarief vir kamp staanplekke is R 220 vir die eerste 2 persone per nag, daarna is dit R90 per persoon per nag vir bykomende persone. Kinders jonger as 5 kamp gratis. Indien jy nie wil kamp nie, maar eerder in 'n huisie wil bly, moet jy self by Van Stadens Resort bespreek en jou deposito betaal. Omdat jy deel is van die #Kraggakamma Familie kamp kry jy 10% af op jou bespreking. Kontakbesonderhede van Van Stadens om die huisies te bespreek: E-pos adres: reception@vanstadens.com, Tel: 041 776 1059.

Aktiwiteite om na uit te sien:

- Kwaliteit tyd as gesin, duine klim, boeresport as familie saam, swem, familie skattejag, sport op die strand, "masterchef" kompetisie, sing rondom die kamp vuur, trapbootjie ry, pretdraf, en wonderlike gesprekke oor God, die gesin, gebed en die veranderende wêreld. Kontak asseblief vir Ds. Toit Wessels (084 240 2916) of Yolandi van der Merwe (084 705 2714) indien jy die naweek wil bywoon en indien jy dalk enige navrae het.

NUWE LIDMATE

Ons wil graag ons nuwe lidmate ontmoet. Daar is in die voorportaal 'n groen kontakkaart wat julle kan voltooi, waarna ons met julle in verbinding sal tree. Jul kan ook na ons webblad, www.ngkraggakamma.co.za gaan. Druk op "Kontak ons" reg onder die gemeente logo. Vul die "Nuwe intrekkers" vorm in en e-pos dit na die kerkkantoor.

GOD'S KAROO WOMEN 2023

Die God's Karoo Women 2023 vind die naweek van 3 – 5 November by Mentorskraal plaas. Die koste is R 320.00 vir die naweek of R 160.00 per dag. Kontak die God's Karoo Women kantoor (071 398 6397) vir meer inligting.

VERJAARSDAE VIR DIE WEEK

Ons wens die volgende lidmate geluk met hulle verjaarsdae:

- | | |
|-------------|--|
| 13 Augustus | Munro Olivier, Marlene Rossouw, Leon Scheepers, Dick van der Spuy, FG van Wyk en Heilencia van Zyl |
| 14 Augustus | Zandre Kohne, Danielle Rabie, Santjie van Niekerk en Robert Vermeulen |
| 15 Augustus | Carol Koen en Mari van der Merwe |
| 16 Augustus | Bradley Capes, Naomi Heyns en Hermien Hiscock |
| 17 Augustus | Wollie Wolmarans |
| 18 Augustus | Minescha Jordaan, Monica van Jaarsveld en Tian van Niekerk |
| 19 Augustus | Elrie Maree en Ethan Terblanche |

Ons wens oom Dick van der Spuy geluk wat vandag 91 jaar oud is.

DANKOFFER

Baie dankie vir elkeen se dankbaarheidsbydrae wat ons maandeliks ontvang. Dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma

Absa Tjekrek 1400590091

Takkode 632005

